

便去耳恐文帝心未純信故示神變以悟帝意  
欲成其道真時人因號曰河上公焉

麻沙劉通判宅  
刻梓于仰高堂

# 老子索引

（原名老解老附串珠）

# 老子索引

(原名老解老附串珠)

撰者：葉廷幹

出版者：文史哲出版社

登記證字號：行政院新聞局局版臺業字〇七五五號

發行所：文史哲出版社

印刷者：文史哲出版社

臺北市羅斯福路一段七十二巷四號  
郵政劃撥儲金帳戶一六九九五號  
電話：三五一一〇二八

定價新臺幣七〇元

中華民國六十八年十月景印初版

版權所有・翻印必究

序

老子道德經乃晚年所著蓋憤時嫉世鬱之久而發於詞太史公稱爲微妙難識寶琦不學嘗受而讀之覺旨遠而辭文於治亂興衰之理言之深切著明而皆歸於道德其第十一章有言無欲以靜天下將自定二語可爲全書之關鍵夫禍莫大於不知足天下之亂皆由於嗜欲多而貪鄙之事起舉世膠膠擾擾小則競爭大則殺戮終無甯息苟在上者能以清靜寡欲本身作則天下皆相安於儉樸不尚機智庶幾犯爭奪之風可以稍止嗟乎此漢文帝崇黃老之學所以弼成西京之治也今世衰道微禍患相尋無己其有能讀老子之書崇老子之學必可風行海內息事甯人譬如佛氏所說普渡衆生吾友蔡君耀堂粵東欽奇士也深於老子之學觀其一生慈儉不爲天下先恆存知足之心居官交友惟以退讓爲主龍犀不驚是真能讀老子者嘗著老解老一書散全經之文句櫛字比以爲串珠雖不加一語詮釋而以經證經字字皆原經之註脚洵爲老子之功臣耀堂年逾六十而精力彌強其於清靜無爲之旨殆深造有得可謂好學深思者矣茲聞將以寫本付棗梨爰書數語以弁簡端倘柄政者咸能手執一編宗無欲以靜一語而定天下是不僅耀堂與寶琦所厚望也夫

壬戌夏五泉唐孫寶琦

## 老解老自敘

古今治亂興衰之原出於政治蒸於風俗漬於人心而導之者學說也春秋時王綱解紐周室陵夷孔子作春秋以寄其斧鉞之權而天下懷然知有各分戰國諸侯王爭城據地膏血原野孟子明仁義斥功利以正之而黔黎之禍得稍蘇息兩聖人之勤勤爲此者豈好事哉凡所以盡其維持運會之責冀以挽回天地之殺機而已夫民之生也井里以安之教澤以濡之何嘗不忻然欲自順其樂生之性哉自一二桀黠者倡爲異論怪說以樹法紀之敵而強有力者利用之恣其意之所欲爲而天下之禍始亟矣衰周之罪以橫議之處士爲最而諸侯之放恣次之始皇有鑒於此故於戎首毅然冒天下之不韙痛鋤之而不惜世或以焚書坑儒爲始皇罪不知其所坑者戰國遊說策士之遺而所焚者皆縱橫詭譎之說足以誣世賊民者推陷而廓清之此其功固不在抑洪水驅猛獸下也雖然秦知防亂之策而不知所以致治之方斯則惑矣若夫漢則不然自曹參爲相一以清淨寧一爲政本一時士大夫油然從風蔚爲治術漸爲士習積爲人心朝野無事者四百餘年是則黃老治世之明效大驗也予嘗聞黃老之說欲師其學而用之顧其書不少概見世所傳者獨老子道德經兩卷其旨微其詞奧其義廣博而無涯予既潛心此書者十有餘年時有一得之見頗思譯述以質諸當世行役忽忽有志焉而未逮也橫覽挽近各國日思擴張軍備以爭執世界之牛耳深慮春秋戰國之局復見於今日方惜無有舉老子佳兵不祥之戒以爲之警覺者乃野心家復飾爲武裝和平之說以巧肆其陰謀未幾果演成歐洲絕後空前之大劇方戰爭極烈時上際九天下窮九淵莫不有鷹瞵虎視之迹幾若天下果可以力征經營焉又烏知今日公理戰勝武力之不可恃如此耶我國近十年間詭波譎雲蒼生之痍固不堪設想然而天道好還其擁兵自重者卒莫不受厝火自焚之禍外觀大勢內察國情益歎今日救世之策非老學不爲功或疑老學清淨無爲恐不足以濟變不知其量宏持以涵蓋一切而有餘其力俾借以解萬類之糾紛而無所滯

彼無爲者渾其名而已非無其具也泯其迹而已非無其功也予生平篤信老氏之學說如此年來因更覃思舊業萃古今注老數十百家而通肆之將以窮其蹟而會其通乃讀註愈多而理解愈晦在作者非不各竭其聰明才力以鑽研淬礪於老氏一言一字之中其實支離曼衍去玄之又玄之真際不知幾千萬里然後歎猶龍之妙不可方物而絕詣之未易以淺見求也遂乃盡棄舊註專致力於經文而有串珠之編由是批卻導竅以求之於經如人三萬六千毛孔孔孔疏達三百六十骨節節節靈通雖不加一字詮釋而篇中之八百有四不二字字皆原經之注胸因其以經證經也故命之曰老解老云夫老學之體如鏡然雖涵虛無迹而萬象燦然其中老學之用如砭石然術者果切證而施之無不立驗語曰通經非難通經而能致用則難苟讀是經者探老學之精微有以措諸實用庶幾挽劫運而致大同之極軌焉是則區區之私所馨香默禱者乎

中華民國十年二月八日歲次辛酉計成書之日與幹閱世之年適爲一周甲子亦巧合也蔡廷幹誌於公府禮官處

凡例

一經文炳如日星見淺見深固隨人自別然鉤元提要亦讀書者必不可少之功自問研老數十年頗有心得故特揭讀法數則著於卷端蠡管之談或亦壤流之一助

一此書既名老解老自不容有一字之注釋惟首章有名無名有欲無欲鄙意既與歷來句讀有異故別加疏釋冠于經前

一經文字句各本微有異同是編悉依武英殿本爲斷惟全經玄字凡十有一殿本因避諱改用元字茲則仍從古本

一經文字數各本不同甚有強省語詞以求合五千言之數者未免過泥是編依殿本八十一章計五千二百五十八字其不同之字凡八百有四命曰道德經不二字

一是編取八百有四不二字依經序列號每字標明計用若干次並逐句詳載原文初閱似嫌繁複然細心體認則字與字相策應句與句相融通章與章相銜接散之則爛若千珍合之則融成一片故名曰串珠一串珠之字皆順經敘茲爲便於檢查起見以經字筆畫之繁簡爲先後另編目錄附於卷尾

一本書檢閱之例於經文中隨意取其一句句取其一字而求之目錄由目錄而求之串珠而求之經文如欲檢行不言之教一句隨意取行字默數之計六畫查目錄六畫行字下號碼再檢串珠下號碼得行不言之教句句首標數爲二即知此句在本經第二章也餘仿此

一串珠內有字體同而字義不同者照不二字例概從字體以免重載

## 讀法

一老子學問見識卓然出於百家之上故諸子皆稱子獨老子稱經雖太元離騷間亦依託經名然信者一而疑者百獨道德經之稱千古無異辭讀者當視與布帛菽粟並重與共球彝鼎俱尊

一老子道德經純是一片悲天憫人之誠所積蓄而出盡見當時強梁擁兵爭戰相尋不顧生民塗炭而社會上風氣奢靡生計艱難其原因皆起於好勝之一念故特標三寶一曰慈二曰儉三曰不爲天下先讀者從此處尋繹方知老子救世之旨

一老子與孔子比較孔子欲天下爲公人不獨親其親子其子老子則欲民老死不相往來此其異點然安居樂俗雖有甲兵無所用之實卽禮運大同之庶則致治之實際同

一老子與佛氏比較佛氏外形骸老子則注意於虛心實腹弱志強骨此其異點然貴其身以寄天下愛其身以託天下實卽自覺覺人自度度人之術則濟世之宏用同

一不可視老子爲陰謀家老子雖云國之利器不可示人又曰將欲奪之必固與之此特舉其經驗閱歷而言并非以資詭譎機權之用試思魯地魯淵魯仁其心地何等光明正大豈陰險者所能假託

一不可視老子爲虛無家老子雖主張致虛極守靜焉然此特養神識俾之寧清并非驅智慮歸於消滅故曰滌除元覽能無疵乎卽繼之曰愛民治國能無爲乎其步步腳踏實地如此豈虛無寂滅之人所能望其肩背

一不可視老子爲修煉家自老子有谷神元牝閉門塞兌之喻丹鼎家遂謬相依附別創爲坎離之說以欺人自欺試思老子固明明言死而不忘者壽又言天地所以能長久者以其不自生也超妙如此豈復有一毫椿菌修短之見擾其胸中

一老子文章其大處固卓絕其小處亦復謹嚴每用一字必有一字以爲對待如篇開首用一道字卽用一名字以爲對待下篇開首用一德字卽用一爲字以爲對待處處如此不徒有無難易高下等句

一老子句法特殊如曰大道廢有仁義曰天下皆知美之爲美斯惡矣此等處不一而足皆語意相離尤奇者莫如受國之不祥是謂天下王兩語老氏亦恐人誤會下文特釋之曰正言若反此四字卽標明通篇句法特殊之符號讀者細心體認自知

一老子章法亦與他人不同通常文每先敘事而後證理蓋恐其說之不足以信於人而舉以爲佐助老子則不然其文皆先理而後事八十一章中是以聖人云云者凡數十見蓋天下萬事萬理皆融會於胸中一題到手開口直抒己見覺雖有聖人復起不易吾言之概非具絕大胆量絕大識見烏能如此

愛石山人曰：天地之始本於無萬物之母生於有，天地者道之所寓也，萬物者道之所寄也，唯無故天地能常久，此無之妙也。唯有故萬物有歸宿，此有之微也。微者邊際也，盡也。聖人體道爲天下用，道不變無非，有無有非無，溯太初之始，衆有具於無無之中，迨天地既判，萬有由是而滋，以形而言，無與有爲兩者，而其本則一也。故曰：同出而異名，無與有自有相生之義，無之爲無，不必求有而有存焉，有之爲有，極其所至，不必求無而無生焉。故曰：同謂之玄，然知其爲玄，非有無之至也。玄之又玄，然後可以言道，是爲衆妙之門。

昔人有以無名有名爲讀者，引老氏道常無名，始制有名爲證。然老子不云乎：有無相生。見第二章又曰：天下萬物生於有，有生於無。見第四章以後證前五千言之旨，有無兩言盡之矣。名生於後起，安有天地之始卽有無名之名，唯無能名，始能見道之妙，此天地之大也。

至二十五章之道常無名，謂道本常也。所謂中庸之道也。惟其常而無可名，與三十七章之吾將鎮之以無名同義。蓋至其名其妙，始見道之無所不包。又四十一章之道隱無名，亦卽子思子君子之道費而隱之意。道之用，廣道之體微，此爲無名之真諦。與無名天地之始，句句讀既異，義蘊自殊，何可相提並論也。

有以無欲有欲爲讀者，引老氏之常無欲，可名於小爲證。夫欲如性之欲意也，情也，常無欲以觀其妙，猶可說也。若有欲以觀其微，不幾有迹象之可尋乎？且有欲之中，何嘗不駭衆妙？本章曰：同謂之玄，其義本無軒輊，必以無欲有欲爲句，則有欲已落第二乘義。何以老氏又云：不見可欲，常使民無私無欲。見第三章又云：我無欲而民

自樸。見第五章

是以聖人欲不欲。見第四章

統前後互證之道，以無欲爲歸，未聞於有欲中求之。此老氏之微意也。

卽以本章而論曰：此兩者同出而異名，兩者明指無與有而言，不然無名有名，無欲有欲，是一生二，二生四矣。當曰：此四者同出而異名，不當僅曰兩者。蓋五千言之旨，有言無反覆丁寧，實爲全經之綱領，故其第十九

章曰此三者不可致詰蓋承曰夷曰希曰微而言此章既曰兩者其爲無與有之兩者義自明瞭世之讀老氏者每喜望文生義陷入疑網不若以經解經較爲簡捷此余所以有老解老之編也

按昔人註釋老子者無慮數十家各本心得可見讀古人書原不必強我以就古人原意五千言中言道備言有無足以賅括全經故予於首章略抒管見以下自可迎刃而解固不必逐章箋釋也

老子道德經原文

一章

道可道非常道。名可名非常名。無名天地之始，有名萬物之母。故常無欲以觀其妙，常有欲以觀其微。此兩者同出而異名，同謂之玄。玄之又玄，衆妙之門。

二章

天下皆知美之爲美，斯惡已；皆知善之爲善，斯不善已。故有無相生，難易相成，長短相較，高下相傾，音聲相和，前後相隨。是以聖人處無爲之事，行不言之教，萬物作焉而不辭，生而不有，爲而不恃，功成而弗居。夫唯弗居，是以不去。

三章

不尚賢，使民不爭；不貴難得之貨，使民不爲盜；不見可欲，使民心不亂。是以聖人之治，虛其心，實其腹，弱其志，強其骨，常使民無知無欲，使夫知者不敢爲也，爲無爲，則無不治。

四章

道沖而用之，或不盈。淵兮似萬物之宗，挫其銳，解其紛，和其光，同其塵，湛兮似或存。吾不知誰之子，象帝之先。

五章

天地不仁，以萬物爲芻狗；聖人不仁，以百姓爲芻狗。天地之間，其猶橐籥乎？虛而不屈，動而愈出。多言數窮，不如守中。

六章

谷神不死，是謂玄牝。玄牝之門，是謂天地根。繇繇若存，用之不動。

七章

天長地久。天地所以能長且久者。以其不自生。故能長生。是以聖人後其身而身先。外其身而身存。非以其無私邪。故能成其私。

八章

上善若水。水善利萬物而不爭。處衆人之所惡。故幾於道。居善地。心善淵。與善仁。言善信。正善治。事善能。動善時。夫唯不爭。故無尤。

九章

持而盈之。不如其已。揣而銳之。不可長保。金玉滿堂。莫之能守。富貴而驕。自遺其咎。功遂身退。天之道。

十章

載營魄抱一。能無離乎。專氣致柔。能嬰兒乎。滌除玄覽。能無疵乎。愛民治國。能無知乎。天門開闔。能無離乎。明白四達。能無爲乎。生之畜之。生而不有。爲而不恃。長而不宰。是謂玄德。

十一章

三十輻共一轡。當其無。有車之用。埴埴以爲器。當其無。有器之用。鑿戶牖以爲室。當其無。有室之用。故有之以爲利。無之以爲用。

十二章

五色令人目盲。五音令人耳聾。五味令人口爽。馳騁畋獵。令人心發狂。難得之貨。令人行妨。是以聖人爲腹不爲目。故去彼取此。

十三章

龍辱若驚。貴大患若身。何謂龍辱若驚。龍爲下。得之若驚。失之若驚。是謂龍辱若驚。何謂貴大患若身。吾所以有大患者。爲吾有身。及吾無身。吾有何患。故貴以身爲天下。若可寄天下。愛以身爲天下。若可託天下。

#### 十四章

視之不見名曰夷。聽之不聞名曰希。搏之不得名曰微。此三者不可致詰。故混而爲一。其上不皦。其下不昧。繩繩不可名。復歸於無物。是謂無狀之狀。無物之象。是謂惚恍。迎之不見其首。隨之不見其後。執古之道。以御今之有。能知古始。是謂道紀。

#### 十五章

古之善爲士者。微妙玄通。深不可識。夫唯不可識。故強爲之容。豫焉若冬涉川。猶兮若畏四鄰。儼兮其若容。渙兮其若冰。之將釋。敦兮其若樸。曠兮其若谷。混兮其若濁。孰能濁以靜之徐清。孰能安以久動之徐生。保此道者。不欲盈。夫唯不盈。故能蔽不新成。

#### 十六章

致虛極。守靜篤。萬物並作。吾以觀復。夫物芸芸。各復歸其根。歸根曰靜。是謂復命。復命曰常。知常曰明。不知常。妄作凶。知常容。容乃公。公乃王。王乃天。天乃道。道乃久。沒身不殆。

#### 十七章

太上知有之。其次親而譽之。其次畏之。其次侮之。信不足焉。有不信焉。悠兮其貴言。功成事遂。百姓皆謂我自然。

#### 十八章

大道廢。有仁義。慧智出。有大偽。六親不和。有孝慈。國家昏亂。有忠臣。

十九章

絕聖棄智，民利百倍。絕仁棄義，民復孝慈。絕巧棄利，盜賊無有。此三者以爲文不足，故令有所屬。見素抱樸，少私寡欲。

二十章

絕學無憂，唯之與阿，相去幾何？善之與惡，相去若何？人之所畏，不可不畏。荒兮，其未央哉！衆人熙熙，如享太牢，如登春臺。我獨泊兮，其未央。如嬰兒之未孩，儻兮，若無所歸。衆人皆有餘，而我獨若遺。我愚人之心也哉！沌沌兮，俗人昭昭，我獨昏昏；俗人察察，我獨悶悶。澹兮其若海，飂兮其若無止。衆人皆有以，而我獨頑似鄙。我獨異於人，而貴食母。

二十一章

孔德之容，惟道是從。道之爲物，惟恍惟惚。惚兮恍兮，其中有象；恍兮惚兮，其中有物。窈兮冥兮，其中有精；其精甚真，其中有信。自古及今，其名不去，以閱衆甫。吾何以知衆甫之狀哉！以此。

二十二章

曲則全，枉則直；窪則盈，敝則新；少則得，多則惑。是以聖人抱一爲天下式，不自見，故明；不自是，故彰；不自伐，故有功；不自矜，故長。夫唯不爭，故天下莫能與之爭；古之所謂曲則全者，豈虛言哉！誠全而歸之。

二十三章

希言自然。故飄風不終朝，驟雨不終日。孰爲此者？天地。天地尚不能久，而況於人乎？故從事於道者，道者同於道，德者同於德，失者同於失。同於道者，道亦樂得之；同於德者，德亦樂得之；同於失者，失亦樂得之。信不足焉，有不信焉。

二十四章

企者不立，跂者不行，自見者不明，自是者不彰，自伐者無功，自矜者不長。其在道也，曰餘食贅行，物或惡之，故有道者不處。

二十五章

有物混成，先天地生，寂兮寥兮，獨立不改，周行而不殆，可以爲天下母。吾不知其名，字之曰道，強爲之名曰太。大曰逝，逝曰遠，遠曰反，故道大，天大，地大，王亦大，域中有四大，而王居其一焉。人法地，地法天，天法道，道法自然。

二十六章

重爲輕根，靜爲躁君，是以聖人終日行，不離輜重。雖有榮觀，燕處超然，奈何萬乘之主，而以身輕？天下輕則失本，躁則失君。

二十七章

善行無轍迹，善言無瑕訕，善數不用籌策，善閉無關鍵，而不可開，善結無繩約，而不可解，是以聖人常善救人，故無棄人，常善救物，故無棄物，是謂襲明。故善人者，不善人之師，不善人者，善人之資，不貴其師，不愛其資，雖智大迷，是謂要妙。

二十八章

知其雄，守其雌，爲天下谿，爲天下谿，常德不離，復歸於嬰兒，知其白，守其黑，爲天下式，爲天下式，常德不忒，復歸於無極，知其榮，守其辱，爲天下谷，爲天下谷，常德乃足，復歸於樸。樸散則爲器，聖人用之，則爲官長，故大制不割。

二十九章

將欲取天下而爲之，吾見其不得已。天下神器不可爲也，爲者敗之，執者失之。故物或行或隨，或歔或吹，或強或贏，或挫或隤，是以聖人去甚，去奢，去泰。

三十章

以道佐人主者，不以兵強天下。其事好還。師之所處，荆棘生焉。大軍之後，必有凶年。等者果而已，不敢以取強。果而勿矜，果而勿伐，果而勿驕，果而不得已，果而勿強。物壯則老，是謂不道，不道早已。

三十一章

夫佳兵者，不祥之器物，或惡之，故有道者不處。君子居則貴左，用兵則貴右。兵者，不祥之器，非君子之器，不得已而用之，恬淡爲上，勝而不美，而美之者是樂殺人。夫樂殺人者，則不可以得志於天下矣。吉事尚左，凶事尚右。偏將軍居左，上將軍居右，言以喪禮處之；殺人之衆，以哀悲泣之；戰勝以喪禮處之。

三十二章

道常無名，樸雖小，天下莫能臣也。侯王若能守之，萬物將自賓。天地相合，以降甘露，民莫之令而自均。始制有名，名亦既有，夫亦將知止，知止可以不殆。譬道之在天下，猶川谷之於江海。

三十三章

知人者智，自知者明。勝人者有力，自勝者強。知足者富，強行者有志，不失其所者久，死而不亡者壽。

三十四章

大道汎兮，其可左右。萬物恃之而生而不辭，功成不名有。衣養萬物而不爲主，常無欲，可名於小；萬物歸焉而不可爲主，可名於大，以其終不自爲大，故能成其大。